

**Jubilæum Sæculare Ecclesiæ Catholicæ Per Septendecim
Sæcula Militantis & Triumphantis Contra Idololatriam,
tyrannos, hæreses, schismata, errores, & scandala**

Per Septendecim Sæcula Militantis & Triumphantis Contra Idololatriam,
tyrannos, hæreses, schismata, errores, & scandala ; Ex Annalibus
Ecclesiasticis collectum Pro Xenio Oblatum Academicæ Sodalitati
Dominorum B. Mariæ Virginis Annunciatæ Herbipoli, Anno ...

Herbipoli, 1700

Decas VIII. Ab anno 770. ad annum 780.

[urn:nbn:de:hbz:466:1-64756](#)

250

Ab anno 700. ad 800
Hispanienses Arabibus matrimonio copi-
larentur.

Copronymi Præfetus Ephesus om-
nes Monachos & Virgines in campu-
eduxit, jussitq; ut illico inter se matrimo-
nio jungerentur; renuentes autem (quo-
rum maximus fuit numerus) oculis priva-
tos in exilium relegavit.



DECAS VIII.

Ab anno 770. ad annum 780.

771. **C**opronymi Præfetus in Thracia
Comnia monasteria diripit & va-
stat, venerandas reliquias vel igni tradit,
vel abscodit, & monachos ac moniales exi-
liis & suppliciis afficit. Cui præ cæteris
contumeliis & exagitationibus illud præ-
cipue voluptatis & oblationis fuit, in
Monachis, qui barbam prolixorem nutrie-
bant, picem, oleum, ceramique affundere,
& igne admoto dolorissimo incendio san-
ctos Confessores cruciare.

Carolus Magnus hoc anno repudiat Ber-
tham conjugem suam, Desiderii Regis Lon-
gobardorum filiam, ad divortium conser-
tentibus & suadentibus Franciæ Episco-
pis: hinc non sine temeritate aliquid impi-

III

um & iniquum hic de Christianissimo Rege & sanctissimis Episcopis (quorum concilio hoc divortium factum est) opinari licet. Desiderius autem ob remissam suam Bertham furere incepit contra Carolum, furori faces subjicientibus Hunaldo Aquitano & alterâ Berthâ, Carolomanni hoc eodem anno defuncti uxore, ac filiâ ejusdem Desiderii; ab his tantum odium adversus Carolum concitatum est, ut non aliter, quam Regni Longobardici ruinâ restinguâ potuerit.

Mortuus est etiam hoc anno Carolomannus frater Caroli, cuius regnum sicut dentibus Francis occupavit Carolus, uxore Videlâ Carolomanni, una cum liberis ab eo susceptis, ad Desiderium patrem in Italiam remeante. Visum enim erat securius Regnum fore in manu Caroli, quam fæminæ Longobardicæ & puerorum. Carolus autem repudiata Berthâ, junxit se Hildegardi filiæ Hildebrandi Ducis Savorum, cuius pietas & virtus coronari merebatur.

* (772.) * Post mortem Stephani IV. hoc anno defuncti, summâ omnium concordia Pontifex creatus est Hadrianus civis Romanus, & omnibus virtutibus præstantissimus, quem statim Desiderius con-
fue-

svetis fraudibus & armis aggressus est, et
Pontifex mislā legatione ad Carolum Mu-
gnū ab eo auxilium postulare coactus fu-
erit, exspectans in filio Pipini patris piet-
am cum fortitudine conjunctam.

Habdallus Rex Hierosolymorum San-
cenus Christianos omnes, & Judæos in ma-
nibus notari & inscribi jussit, ut a suis Ara-
bibus distinguerentur. Quam ignomini-
am plerique non sustinuerunt, sed reliquias
suis possessionibus in Romanorum ditio-
nem confugerunt.

¶(773.)¶ Carolus Magnus cum exer-
citū adversus Desiderium progressus est,
quem cum suis Longobardis ex monte Ce-
nisi fauibus expulsum, Papiæ obsedit:
multas quoque Longobardorum urbes ce-
pit, & inter cæteras Venonam, ubi nepo-
tes suos cum Bertha inventos remisit in
Franciam, ne quid turbarent.

¶(774.)¶ Carolus Magnus relicto ex-
ercitu ad Papiæ obsidionem, Romanum ve-
nit Pascha celebraturus, ubi receptus est,
ut primogenitus Ecclesiæ, Magistratu-
ris cum signis militaribus triginta millia-
ria obviam procedente: Reliquis omnis
Ordinis, conditionis & sexūs ad unum mil-
liare cum ramis olivarum occurrentibus.
Quamprimum in conspectū Caroli Magni

Cru-

Cruces quæ præferebantur, subière, illicò
equo desiliens, pedes ad Basilicam Petri
secutus est, & perveniens ad atrium ubi
eum Pontifex cum reliquo Clero præsto-
labatur, omnes gradus singulatim d'eoscu-
latus, ac demùm à Pontifice benignè ex-
ceptus, post mutuos amplexus, tenuit in
ingressu in Ecclesiam dexterant manum
Pontificis cunctis acclamantibus. *Benedictus*
qui venit in nomine Domini: & hoc accidit
in die Sabbathi Sancti. Post dies aliquot
ad Papiae obsidionem reversus, Urbe mul-
tis malis jam conflictata, cum Rege De-
siderio & toto regno Longobardia poti-
tus est: & ut præfidiis suis Franco è milite
impositis securius retineret, Desiderium
cum uxore in Franciam pertraxit. Desi-
derii filius Adalgisus fugâ elapsus ad
Cpronymum venit, à quo Patriciatûs ti-
tulo auctus est.

Quod scribunt nonnulli Carolum iterum
post deditam Papiam Romanam rediisse, &
in Synodo 153 Episcorum accepisse jus
eligendi Pontificem & investituræ Episco-
porum, id viri Schismatici commentum est,
in gratiam Henrici Imperatoris Schismatici
annis post Carolum trecentis triginta octo,
modo adornatum: tam male à Calvinistis

pro-

propugnatum, ut ejus Sectæ eruditos viros pudeat ineptissimæ defensionis.

* (775.) * Constantinus Copronymus plagâ divinitùs percussus in crure qua: Græcis ἀρθραξ appellatur, vivus exustus igne invisibili, ac de blasphemis verbis, in Sanctos ac Beatissimam Virginem jaētis, pœnitens (sed ut quondam Antiochus) impiam dæmoni animam evomuit, nichæus, Nestorianus, dignissimus suis cognominibus Copronymi & Caballini, quorum illud accepit à stercore quo Baptiste ritu fædavit, & hoc à fimo caballino, quæ inficiebat cum aulicis, hoc odore minificè delestatuſ, non autem à Cabalâ urbe ut quidam putârunt. Sepultus est in Basilica SS. Petri & Pauli Constantinopolis, sed postea refossus, in fôro publicè crematus est, quod supplicium vivus propter atrocia crimina promeruerat.

Successit Copronymo Leo IV. ejusdem filius, qui initio sui Imperii thesauros à Patre reliquos inter pauperes distribuit & pietatem in B. Virginem, & amorem in Monachos simulavit, quibus etiam Episcopatus obtulit.

Reliquit Copronymus filiam Anthusanam Virginem pientissimam & Patri ac fratri, diss.

diffimillimam, quæ bona omnia sua profudit in pauperes & religiosum induita habitum, in Meneo Græcorum locum meruit.

Eodem anno extintus est Habdalla Princeps Saracenorum qui filio suo Madi Regnum & impietatem pro hæreditate reliquit.

Floret Occidentalis Ecclesia, ubi Carolus Ethnicoz Saxones vicit, & Offa Rex Merciorum Regnum suum Ecclesiæ vestigale reddidit, renovato in singulas domos S. Petri denario.

In Hispania quoque respiravit Ecclesia defuncto scelerato Aurelio, in cuius locum Silo sororis ejus filius succedens regnum à pietate auspicatus est.

¶(776.)¶ Leo Augustus favente populo & Optimatibus Constantinum filium suum adhuc puerulum creavit Imperatorem, quem Nicetas Patriarcha coronavit, & Senatus populusque super lignum S. Crucis juramento se obstrinxerunt.

Carolus Magnus Rotgaudum Duceñ Foroiuliensem Regnum Longobardiz sibi vendicare volentem magnâ celeritate cum exercitu aggreditur, & debellatum occidit. Similiter rebellantes Saxones in Siburgi castri oppugnatione cœlesti visione per-

perterritos, subigit, quorum ingens numerus Baptismum suscepit.

¶(777.)¶ Telericus Bulgarorum Rex Constantinopoli Christianam fidem profetetur, & a Leone Patricii titulo honoratur, ejusq; consobrinam matrimonio sibi conjungit.

¶(778.)¶ Carolus Magnus adversus Saracenos in Hispaniam evocatus, exercitum & arma hoc anno movit, & felicibus auspiciis Navarram & Cæsar-Augustam subegit, fine autem hujus expeditionis sati infasto, magnam partem exercitus amisit: quando Vascones in saltibus Pyrenæis prædis onustos Francos valde inhumaniter exceperunt, & extremas turmas prædis excussis interfecerunt, quos inter etiam Eggobartus regiæ mensæ præpositus & Rutlandus (alii Rolandum appellant) Brittannici littoris præfectus, derati sunt.

Interea fœdifragi Saxones instiñtu Widdichindi rebellârunt, quos Carolus media hyeme adortus, partim in fugam conçecit, & magnam partem peremit, cæteris sequente æstate saniora consilia amplexis, & fidelitatem iteratò jurantibus. Inter haec Hildegardis Caroli Magni conjunx peperit gemellos, quorum alter brevi extintus, alter

alter Ludovicus in Baptismo nominatus est.

¶(779.) ¶ Carolum hoc anno iterum expeditionem bellicam in Saxoniam & Westphaliā suscipit, & Westphalis Saxonibusque celerem fugam arripiētibus, in cruento bello viatoriam consecutus, & compositis firmatisque pacis legibus in Franciam revertitur.

¶(780.) ¶ Madi Princeps Saracenorum crudelē in Christianos persecutiōnem excitavit, jussitque eos omnes, qui ex Judæis & Gentilibus ad Christianos accessissent, fidem abjurare, aut exquisitissimis cruciatibus ē medio tolli, quod decretum multos Martyres cœlo inferuit. Templaque per totam Syriam solo æquavit sed his ruinis fidem non oppressit.

Leo Imperator cūm in pulvinari sive lario Irenes uxoris suæ duas imagines reperisset eam à se repudiavit. Protospatharium etiam & præcipuos quosdam aulicos imaginum cultores ignominiosè expulit, aut poenis subjicit. His furiis doloroso fuso belle abbländitus est Paulus Cyprius genere, qui Nicetæ hæretico Patriarchæ Constantinop. successerat, & animo quidem Orthodoxus, sed foris simulatus & versipellis hæreticus erat, Imperatoriz

gratiæ vanus nundinator. Sed diu non distulit Deus vindices pœnas, qui hoc anno divinitus percussum Leonem sustulit. Cùm enim insaniens circa lapidis pretiosos, coronam magnæ Ecclesiæ pretiosis gemmis distinctam suo capiti imposuisset, exierunt Carbunculi in capite ejus & febre ardenti expiravit. Statim ergo Irene cum filio Constantino decem annorum puerō regendum suscepit Imperium, mulier à Deo fortis, quæ Nicephorūm Imperium afferantem in exilium retrusit, & Leonis fratres ad Sacerdotia compulit, Arabes tumultuantes repressit & Imperium ita composuit, ut non mulier, sed fortis quidam Imperator regnare videretur.

Afferunt tum Græci tum Latini historici in longis Thraciæ muris inventam esse arcam lapideam, in eaque virum jacentem, & arcæ litteras conglutinatas in hæc verba, *Christus nascetur ex Virgine. Credo in eum.* Sub Constantino & Irene Imperatoribus, O. Soliterum me videbis. Creditum est ab omnibus, id Prophetæ alicujus fuisse sepulchrum, divinitus ita revelatum.

Carolus Magnus post Krodom famosissimum Saxoniæ idolum exterminatum, & posita fundamenta Ecclesiæ Christianæ, ac

Epi-

Episcopis destinatis, cum Hildegarde uxori sua Romam proficiscitur, & Ticini Natalem Domini religiosissime celebrat.



DECAS IX.

** Ab anno Christi 780. ad annum 790. **

781. **C**arolus Magnus cum uxore & liberis Romæ celebrat Pascha, & filios suos ab Adriano Papa inungi curat, Pipinum quidem majorem natu Longobardorum, Ludovicum autem Aquitaniæ Regem. Irene quoque Imperatrix Constantinopi Legatos mittit ad Carolum per quos filio suo Constantino Sponsam petiit filiam Caroli primogenitam Rorundim, in quem finem aliquot Græci in Gallia relieti, qui puellam docerent linguam & mores Græcorum.

Irene Madi Saracenorum Principi per filium suum Aarонem Imperium aggresso promittit annuum tributum; & plurima munera offert pro pace redimenda, Helpidius autem tyrannus sumptis secum thesauris suis fugiens in Africam, ibi ut Imperator ab Afriis colitur.

*(782.) * Confectum est hoc anno bellum contra Sclavos qui Peleponesum &*

M 2.

Græ-